

駁
四
書
改
錯

駁毛西河四書改錯卷十八

小詁大詁類上

學而時習之

集注學之
爲言效也

毛氏曰此小詁錯也。特小詁不勝錯，祇取數條畧改之，可類推矣。學有虛字有實字。如學禮學詩學射御，此虛字也。若志于學，可與共學，念終始，典于學，則實字矣。此開卷一學字，自實有所指，乃注作效字，則訓實作虛。既失詁字之法，且效是何物可以時習？又且從來學字全無此訓，卽有時通效作倣，亦是虛字。善可效，惡亦可效。左傳尤人而效之，萬一效人尤

而亦習之乎。錯矣。

大昌按。白虎通辟雍篇云。學之爲言。覺也。悟所不知也。生而知之者。上也。學而知之者。次也。是以雖有自然之性。必有師傳焉。又三教篇云。教者何謂也。教者效也。又學記鄭注云。學記者。記人學教之義。蓋學之始事。未有離乎教者。故學記引說命曰。教學半也。教教詩云。爾之教矣。民胥攸矣。效通今開卷第一義曰。學而時習之。猶曾子曰。傳不習乎。謂所受教者。當溫習。故朱注云。學之爲言。效也。後覺者必效先覺之所爲。至爲明確。毛氏乃謂從來無此訓。何耶。至謂志於學可與共學。

學爲實字。而學詩學禮之學爲虛字。不知所謂虛字者。卽指所學者而言。有何分別乎。

夫子矢之

集注矢誓也

毛氏曰。此舊多不解。孔安國謂是疑文。若以矢爲誓。則聖心坦白。何必出于是。且誓者要約之名。以未然言。全無有以自已事剖辨。是否名曰誓者。是則叔世市井假詛。詈以爲解說。大無理矣。釋名云。矢指也。說文云。否者不字。蓋當時夫子以手指天。而曰。吾敢不見哉。不則天將厭我。又厭我矣。言南子方得夫也。

大昌按爾雅矢誓也。此節何注用孔氏曰舊以南子淫亂孔
子見之者欲因以說靈公使行道矢誓也。行道既非婦人之
事而弟子不說與之呪誓義可疑焉。則此本舊解而孔氏亦
疑之。至予所否句。邢疏謂我見南子所不爲求行道者。願天
厭棄我。朱注但空解作不合于禮不由其道也。然舊說雖可
疑。朱注之解雖空。總未若毛氏謂我若不見南子。天將厭我。
以南子方得天也。吾不解南子何以得天然則夫子固畏南
子而見之也。否則天將因南子而厭夫子矣。其說真駭人矣。
羅整庵解媚奧謂奧乃室中深隱處。王孫賈益指子見南子

說夫子所謂天厭之。蓋卽獲罪於天之意。說本牽強。今如毛氏之說。則獲罪於天。竟卽指南子矣。可發一笑。

聞一知十。聞一知二。

集注顏子卽始以見終子貢因此而識彼

毛氏曰。此又錯者。有矢名氏經辨曰。十已包九。二不及三。故相遠也。如曰卽始見終。則祇一事之始末也。因此測彼。則兼兩事之類推也。信然。則賜愈于回遠矣。

大昌按何注。未有解說。惟邢疏謂子貢假設數名。以明優劣。蓋一者數之始。十者數之終。顏子亞聖。故聞始知終。此朱注。卽始見終之所本。卽夫子贊易亦曰。原始要終。子夏曰。有始

有卒者其惟聖人乎。若夫因此識彼。不過比類而知耳。安得以此謂賜愈于回耶。且一二十者。邢疏所謂假設數名也。若必曰二不及三。則亦泥矣。況朱注又云。無所不說。告往知來。是其驗矣。則因此識彼。正猶告往知來也。安得以告往知來爲愈于無所不說耶。

善人

聖人吾不得而見章

善人以質言質美而未學者也

毛氏曰。善人舊注卽是君子。故與聖人稍有間。觀于張問善人之道。亦曰不循舊跡。自有造詣。然亦不能入聖人之室。可驗也。乃以聖言互出。直分兩途。創爲質美未學一類。則將得

見君子一歎。竟撇却不顧。直須另起。何必衍去。子曰。使聖人
君子蟬連而下。此不特名義乖。卽章法亦亂矣。且善人非質
美未學者。善人爲邦百年。善人教民七年。未聞未學而可以
爲邦。可以教民也。卽孟子以樂正子爲善人。豈樂正子是未
學者。况孟子自解。特云可欲之謂善。可欲卽可願。尚書敬修
其可願。正是學字。並未嘗解曰未學之謂善也。自儒者不
識聖學。誤認學字是誦習之名。至善惡二字。則直斥之爲佛
氏門目。概置勿道。而乃以理欲二字。敗之。夫自堯舜至孔子。
鮮有言理欲者。從來理字祇作條理解。惟孟子始加稱義理。

河間獻主博士緝樂記。始以天理人欲作對待語。今乃但知理欲不知善惡。且以善字作不學解。初不意聖學銅鐵。乃至如此。

大昌按此章朱注本云善人者志于仁而無惡。金不言其學與未學。惟子張問善人章朱注善人質美而未學者也。蓋以夫子言亦不入于室。苟其已學則當但曰未入于室。不當云不入于室。故朱注以質美未學解之。今毛氏于此善人既注聖人吾不得而見章何以不引此注而又牽引質美未學以爲辨。難不知善人二字雖同而朱注則各有常也。毛氏又以

此章舊注善人卽是君子不知舊注俱指君說聖人謂堯舜禹湯之君君子謂能行善之君有恆謂有恆德之君此不足辨也毛氏又辨善人非未學謂孟子稱樂正子爲善人豈果未學者不知可欲之謂善者知善之可欲也樂正子二之中蓋在善信之間尚未遽能有諸已之謂信也況美大聖神乎觀公孫丑以強與知慮多問識爲問而孟子皆曰否則知其于果達藝俱未足蓋亦于蓋一流也

毛氏又謂朱儒誤認學字是誦習之名夫朱子大學序明云格物記誦之習其功倍于小學而無用何謂誤認乎又謂其

斥善惡二字爲佛氏門目。概置勿道。夫朱注首解學而時習。則云人性皆善。又云乃可以明善而復其初也。有教無類。則云人皆可復于善。而不當復論其類之惡。習相遠也。則云習于善則善。習于惡則惡。大學誠其意者。則云知爲善以去惡。其嚴乎。則云雖幽獨之中。而其善惡之不可揜。此皆一一補出。善惡卽四書注不可枚舉。毋論他書矣。毛氏又因宋儒好言理。遂謂理字祇作條理解。惟孟子始加稱義理。心之所同然理也議也。不知夫子繫詞已曰易簡而天下之理得矣。天下之理得而位乎其中矣。又曰窮理盡性以至于命。豈不重言理乎。

乎。又謂其以善事作不學解。聖學細微。一至于此。夫朱注但解善人爲質美。未學。並未解善字爲不學。豈可改頭換面。

有天下而不與焉。

集注不與猶言不相關。言其不以位爲樂也。

毛氏曰。不與。謂任人致治。不必身預所爲。無爲而治是也。謂視之若無有。則是老氏無爲之學。非聖治矣。衿衣鼓琴。可藐視天下。可藐視耶。漢王莽傳。太后詔曰。選忠賢立四輔。羣下勸職。孔子曰。舜禹之有天下而不與焉。晉劉實作崇讓論有云。舜禹有天下而不與。謂賢人讓于朝。小人不爭于野。以賢才化無事。至道興矣。已仰其成。何與之有。

大昌按何注美舜禹也。言已不與求天下而得之。是何注之說必須添出求字。故朱注不用其說。因以與字讀去聲。言不以位爲樂。其解本文語氣。自爲直捷。獨美舜禹者。以二人非由世及而有天下也。蓋滿而不溢。高而不危。自是聖人憂勤惕厲之意。非同老氏視有如無也。毛氏謂衿衣鼓琴可覩視天下。可藐視耶。不知衿衣鼓琴。原指其爲天子也。猶之疏水曲肱。卽指言貧也。若毛氏解不與作無爲而治。但考之諸書。未見有以無爲而治稱禹者。恐非然也。至引詔論兩條。諸皆不過如斷章取義。未可爲據。

天下歸仁

集注天下之人皆與其仁極言其效之甚速而至大也

毛氏曰歸仁卽稱仁若言效甚速而至大則嫌于歸來矣禮記哀公問君子也者人之成名也百姓歸之名謂之則百姓之歸亦祇是稱名之義

大昌按此句邢疏謂人君能一日克己復禮則天下皆歸此仁德之君蓋因本句有天下二字故指人君言朱注但空說天下之人皆與其仁今毛氏解歸仁爲稱仁試問稱仁與朱注皆與其仁有甚分別若效甚速而至大是總釋一日天下四字毛氏豈未思耶

余四書問答解此句云。下章夫子答仲弓問仁。推到邦家無怨。是以及于人者。使之自考。則此章言能克己復禮。則吾心不見物我之有間。天下之大。皆歸于吾心之仁。所謂仁者以天地萬物爲一體也。蓋雍猶須從恕以求仁。回則幾于化矣。此蓋本戴氏東原之意而推衍之。

爲周南召南集注爲
猶學也

毛氏曰。此襲邢疏。然爲不訓學。當作學而說之。孟子固載周
變之爲詩。原作說詩。卽劉歆傳。謂建元經師。或爲雅。或爲頌。
亦以說雅說頌爲言。則此卽以學兼說。未爲不可。

大昌按古本此與上章共是一章上是何莫學夫詩故邢疏云爲猶學也。然獨立趨庭夫子亦曰學詩乎。不學詩無以言則朱注襲用邢疏固無錯也。蓋學則猶兼諷誦如云誦詩三百是也。爲則更指躬行謂以二南倫紀之事體之于身而修之于家也。而毛氏反謂爲當作學而說之所引兩條皆以爲字作說詩解則于下正牆面而立句不關切矣。

期月守

章句期月
匝一月也

毛氏日期月不是匝一月者匝一月則論諸期月而已爲難通矣。故此期月雖小詁亦千載夢寐可欺之甚。不知周歲曰

期。周。月。亦。日。期。左。傳。叔。孫。旦。而。立。期。焉。謂。自。旦。至。旦。既。已。復。
期。則。亦。謂。之。期。故。曰。期。焉。則。此。期。月。二。字。不。連。屬。蓋。或。一。日。
或。一。月。合。稱。期。月。與。論。語。日。月。至。同。

大。昌。按。鄭。注。于。期。月。無。解。孔。疏。則。謂。匝。一。月。此。章。句。所。本。蓋。
凡。古。注。疏。之。可。從。者。則。但。當。從。之。毛。氏。乃。謂。此。期。月。二。字。不。
連。屬。以。期。字。指。日。以。期。月。與。論。語。日。月。至。同。果。爾。則。夫。子。何。
不。直。曰。而。不。能。日。月。守。也。至。左。傳。叔。孫。旦。而。立。期。焉。明。有。且。
字。故。可。言。一。日。若。此。句。但。云。期。月。何。能。以。期。字。專。指。日。字。
亦。謂。自。旦。至。暮。爲。期。金。非。若。謂。是。匝。一。月。則。于。論。語。期。月。而。
自。旦。至。旦。以。復。時。爲。期。

已句爲難通。然以期字指日。將于論語期可已矣。指年者亦難通矣。不知以期月指年。謂日一周天。以期月指匝一月。謂月一合朔皆可通也。毛氏務欲立異。而猶謂此句小詁千載廢難其果然乎。

不知命無以爲君子也。集注知命知有命而信之也不知命則見害必避見利必趨何以爲君子

毛氏曰知命卽夫子知天命之命。若禍福利害則聽之而已。何必知之。何必更信。本文無信字也。且趨吉避凶正是君子正與小人行險僥倖不避爲有別也。且此末章知命與中庸

知夫德。孟子聞知見知相表裏。而反以吉凶利害撇却正命。則直認君子爲小人。錯到底矣。董仲舒曰。天地之性。人爲貴。明乎夫性。知自貴于物。然後知仁義禮知安處善。樂循理。謂之君子。故曰不知命。無以爲君子也。

大昌按。知命有二義。一是知命者不立乎巖牆之下。如小人之行險犯刑。枉措死者。非正命也。所謂君子修之吉。小人悖之凶也。一是盡其道而死者爲正命。如志士仁人無求生以害仁。所謂不見害而避。不見利而趨也。朱注以修吉悖凶一層。所不待言。故特舉小人之不知命。而見害必避。見利必趨。

者以警人至深切矣。毛氏乃但以趨吉避凶正是君子與小人之不知避者爲有別。謂朱注反以吉凶利害撇却則直認君子爲小人是毛氏知其一而不知其二。務欲攻朱注而專以趨吉避凶爲知命。則于孔子言殺身成仁孟子言舍生取義一層未之或思矣。雖引董氏安處善樂循理之語何爲乎。

水信無分於東西二句

集注言水誠不分東西矣。然豈不分上下乎。

毛氏曰如此則爾分東西。我分上下。各執一說。如朱子與陸子靜辨之不勝。輒曰各尊所聞。各行所知。此身所爲事。乃以之誣孟子真笑話矣。孟子曰水信以爲無分東西。乃亦不分。

上下乎東西流者下故也。此以下句解上句。正對針語。若曰誠不分東西。則兩開矣。

大昌按毛氏謂孟子是言水信以爲無分東西。乃亦不分上下乎。試問乃亦二字。與朱注然豈二字。神氣有何分別乎。若上句朱注言水誠不分東西。誠卽信字。卽孟子言水信無分東西也。若毛氏則反添出以爲二字矣。蓋朱注亦是以下句解上句。謂東西流者下故也。毛氏乃謂爾分東西。我分上下。朱注並無爾我二字。若收頭換面。以攻朱注。則何不可混說。

楚之檣杪集注檣杪獸名古人因以爲凶人之號取記惡垂戒之義

毛氏曰。構。枕。凶。人。名。古。四。凶。之。一。卽。左。傳。史。克。云。顓。頊。有。不。才。子。名。構。枕。而。國。語。內。史。過。謂。是。鯀。者。楚。史。官。竊。其。意。以。斥。凶。德。因。借。此。名。實。則。有。名。無。義。故。構。枕。不。知。何。物。杜。預。但。注。凶。頑。無。儔。匹。之。貌。舊。儒。多。事。謂。必。是。人。而。獸。行。因。之。僞。造。東。方。生。神。異。經。謂。構。枕。惡。獸。賈。公。彥。注。周。禮。遂。以。惡。獸。入。經。注。中。毋。論。爾。雅。以。後。凡。釋。獸。諸。書。無。此。獸。卽。以。神。異。經。觀。之。構。枕。有。別。號。一。號。難。訓。一。號。傲。狠。今。記。惡。獸。而。卽。襲。其。言。以。爲。別。號。傲。狠。已。矣。獸。有。誰。教。訓。而。名。曰。難。訓。此。可。通。乎。

大昌按。神。異。經。旣。謂。構。枕。惡。獸。賈。公。彥。旣。用。以。注。周。禮。則。亦。

非出朱注杜撰矣。且朱注尚謂古人因以爲凶人之號。則亦不專主獸名之說也。假如朱注但用杜預凶頑無備匹之義。吾知毛氏又將據神異經并周禮賈疏以爭之矣。毛氏謂獸然周禮服不氏罔云掌養猛獸而教擾之

折枝

集注以長老之命步草木之枝言不難也

毛氏曰趙注折枝按摩折手節解體枝也。此卑幼奉事尊長之節。因則子婦事舅姑。問疾痛疴癢而抑搔之。鄭注抑搔卽按摩。同抑枝體與折義同。又劉峻廣絕交論拊枝舐痔。盧思道北齊論韓高之徒。皆拊枝舐痔。朝野僉載薛稷等舐痔折

枝阿附太平公主。類則以非卑幼事尊長。便屬婢詔。故加爲長者三字。若折草木之枝。卽爲人。亦非難。何必長者。

大昌按朱注以爲折草木之枝。蓋本于唐人陸善經之說。但此說惜于長者二字無着。然舊注以折枝爲按摩。說尤牽強。毛氏乃引鄭注。內則疾痛痾癢而敬抑搔之。以爲卽按摩之事。不知抑搔可解作按摩。而按摩未可解作折枝也。毛氏又舉引折枝舐痔等語。以爲佐證。不知孟子言爲長者折枝。乃舉其至易爲者。以取譬。豈反以按摩舐痔之難爲者而言乎。且卽折枝舐痔云者。折枝猶李詩催眉折腰事權貴耳。金非

以折枝爲按摩也。惟文獻通考載周平圖序陸筠翼孟以孟
子言折枝乃折腰肢也。又傳疑錄亦云爲長者折枝蓋腰
亦曰肢。肢枝字通用。折枝猶折腰。古詩折腰再拜跪是也。据
此正合孟子言徐行後長者謂之弟。夫徐行者豈人所不能
哉。所不爲也。與此處爲長者折枝是不爲也。非不能也。同意。

雕萬錄集注
鑑二
十兩也

毛氏曰此又襲趙注而錯者。鑑古通溢。荀子千溢之寶。韓非
子鑲金半溢俱不計輕重之數。考周制以十六兩爲一斤。而
秦制改斤作溢。則溢者斤之更名。卽十六兩也。故漢志黃金

一斤注謂此周之金名。高帝賜張良金百溢。注謂此遵秦制。則一溢爲十六兩。此確據矣。若賈逵注國語以鎰爲二十四兩。則準之銖兩之數。二十四銖是一兩。則二十四兩是一鎰。此雖稍有見。而未核實者。若趙岐孟康作二十兩。鄭康成作三十兩。皆無據之言。喪大記朝一溢米。暮一溢米。則溢本揔字之通。揔者握也。卽一握米也。而正義亦以二十兩強注溢米。妄矣。或曰鎰者春秋戰國間均物之名。在銖兩斤鈞石五權之外。故世鮮知者。此言得之。

大昌按毛氏謂鎰通溢。秦制改斤作溢。則溢當爲十六兩。然

趙岐服虔韋昭並云二十兩曰鎰。孟康賈逵則謂二十四兩。
毛氏謂孟康云。康成則謂三十兩。通雅則從二十四兩之說。
二十兩者誤。謂合三埒之數也。各家不同如此。竊攷古者權量度皆起于
黃鍾。若五權之制。一龠則容千二百黍。重十二銖。倍之則爲
兩。二十四銖也。十六兩爲斤。三十斤爲鈞。四鈞爲石。百二十斤爲
十八易。有十八變之象也。然古律既不存。卽權量度之輕重
大小長短隨時變易。如左傳易義云。北魏及齊斗稱於古二
而爲一。北周及隋斗稱於古三而爲一。又歐陽公集古錄云。
得漢銅甬。銘曰谷口銅甬。容十斗。重四十斤。以今較之。容三

斗重十五斤。又沈道筆訓云：秦漢度量計六斗當今一斗七升九合，三斤當今十三兩。据此可知每變而加重焉。況有同時代而權量隨地不同者。此所以一鎰而或又爲二十兩，二十四兩，三十兩，各據所見而言，則安在所謂十六兩者必爲確與。且毛氏既以十六兩爲確據，而又從或曰鎰爲戰國時均物之名在五權之外何耶。

孝弟也者，其爲仁之本與。

孝弟爲仁本，謂行仁自孝弟始。孝弟是仁之一事，謂之行

仁之本則可謂是仁之本則不可。

毛氏曰：此下大詰錯也。孝弟是仁本，孟子所言甚明。仁之實

在事親則仁本孝弟也。親親仁也。則孝弟生仁也。實者本也。草木從實生。猶仁從孝弟生也。如呂覽夫孝三王五帝之本。務其他。管子曰。孝弟者仁之祖也。祖亦本也。唐宗孝經序。孝爲百行之源。源亦本也。後漢仁孝先後論。夫仁人之有孝。猶四體之有心。腹枝葉之有根本也。則直言仁是枝葉。孝是根本。又唐元齡管子注。謂仁從孝弟生。則不惟本立甚明。卽道生亦甚明。乃以千百年不易之聖經。而一旦顛之側之。而經亡矣。然且改爲仁爲行仁。改本作始。夫本在字。書金無訓始者。自程氏說出。而宋之增廣韻注者。直于本字下增始字。

訓矣。孝弟是行仁之始。將君子務始始立而道生可乎。
大昌按朱注本猶根也。孝弟乃是爲仁之本。學者務此則仁
道自此而生也。固無可議。蓋仁道甚大。以天下爲一家。中國
爲一人。匪僅孝弟。然必自能孝弟推之。如孝弟則自不犯上
作亂。故孝于親。弟于長。然後能親九族。由是而仁民而愛物
也。故國外性載程子說。首言本立則其道光大。孝弟行于家
而後仁愛及于物。所謂親親而仁民也。故爲仁以孝弟爲本。
論性則以仁爲孝弟之本。又曰仁主于愛。愛莫大于愛親。是
也有何不合。而謂其顛之倒之乎。毛氏議其請行仁自孝弟

始改本作始以字書本字從無訓始者不知本猶根也朱注
曰釋之其程子訓爲始者第通其義耳若謂必不當改本爲
始則中庸曰親親爲大孟子曰仁之實何以又言大言實而
不言本乎抑且毛氏謂管子言仁之祖祖亦本也唐宗言百
行之源源亦本也祖與源皆可言本何始字獨不得爲本乎
夫大事物有本末事有終始皆以知所先後統承之則知本
與始原可通也况孝弟爲本第對仁民愛物爲末而言金非
謂孝弟爲本而仁爲末也毛氏乃引仁孝先後論猶枝葉之
有根本也直解作仁是枝葉其支離踏駁如此猶欲議程子

顛倒聖經而經亡乎。

吾十有五而志于學三十而立

集注有以自立則守之固而無事志矣

毛氏曰十五志學志大學也。古者十五入大學卽誠意慎獨止善去不善之學。立者成立也。舊注學有所成謂學至此有成立。如樂記禮義立孝經名立于後世。作成樹解。故學記強立而不反。謂之大成。直以成立二字訓詁。朱注解立作守。則字書無此訓。且誠意慎獨作何守法。此不知痛癢語也。大昌按立乃卓然有以自立。朱注作守之固。則于強立不反意未爲不切。蓋夫子曰立于禮不學禮無以立而雅言又曰

執禮執者卽執守之義也。且云知及之仁不能守之擇乎中庸而不能期月守也。守字原重。猶大易云貞者事之幹也。舊注訓有所成固可。然毛氏謂立必當從成立之解。則夫子何以曰立于禮。成于樂。成立二字。又有分乎。且曰可與立。未可與權。以立訓守。則于未可與權。覺更有分曉。

四十而不惑。五十而知天命。

集注於事物之所當然皆無所疑。則知之明而無所

事守矣。

天命卽天道之流行而賦于物者。乃事物所以當然之故也。

毛氏曰。以經証經。不惑是知人。知天命是知天。不惑是窮理盡性。知天命是至于命。不惑是誠明。知天命是聰明聖知達。

天德今必牽連謂不惑是當然知天命是所以然則錯矣又
謂不惑知天命是事理二字則周章矣實則知當然便應知
所以然無大深淺豈有十年知當然又十年知所以然者
大昌按毛氏謂以經証經既將不惑知天命分屬知人與知
天矣又謂不惑是誠明知天德是聰明聖知達天德夫自誠
明謂之性乃不思不勉生知安行之聖人固卽所謂聰明聖
知達天德者有何可分爲四十五乎且夫子不以生知自
居故自言進德之序豈四十不惑而可以自誠明屬生知者
釋之乎卽下文六十耳順蓋謂學至是乃能知之至不思而

得亦非謂由于生知也。毛氏但議朱注之錯而不知其自解。則茫昧甚矣。又謂知當然便應知所以然。無大深淺。說亦未安。

六十而耳順二節

集注聲入心通無所違逆知之之至

不過于法度安而行之不勉而中也

毛氏曰耳順從心注引不思而得不勉而中爲解。此似有經據。而又不然。不思不勉安勉之分。謂不勉強耳。天下無生安而遲之六七十者。且不思不勉一齊俱到。豈有十年不思。又十年不勉之理。必以經証經。則耳順者是以小體爲大體。從

心者是以人心爲道心也。孟子以耳目口腹當小體。養小不
失。卽口腹亦非尺寸之膚。何況耳目。故耳目俱爲大體所關。
而耳先于目。向志學立學。但修此聰明。庸知之身。以進天德。
至此則耳無違拂。四體皆喻。將洪範所云作謀。舜典所云關
聰。皆從此無扞格也。此身教也。尚書生民有欲。樂記以感物
爲性之欲。總之皆人心也。向志學立學。但止善去欲。以爲盡
性至命之本。至此則善惡俱冥。無事去欲。人心卽道心矣。洪
範之作聖。大學之絜矩。皆不越乎此也。此心教也。
大昌按夫子不以生安自居。然豈不以學知利行自居乎。則

至六十而後能知之。至不思而得。七十而後能行之。熟不勉而中正。所謂及其知之一成功一也。故朱注以此釋耳順與從心不踰矩。非無據矣。毛氏則謂耳順是以小體爲大體。從心是以人心爲道心。夫孟子前章以口腹爲小體。次章以耳目爲小體。而皆以心爲大體。趙注甚明故前章曰體有貴賤。有小大。無以小害大。無以賤害貴。養其小者爲小人。養其大者爲大人。次章亦言大體小體。則曰耳目之官不思而蔽于物。心之官則思。先立乎其大者。則其小者不能奪也。此爲大人而已矣。今毛氏乃以耳目俱爲大體。所關全與孟子本旨相反。

悖。而。牽。涉。于。洪。範。作。謀。舜。典。開。聰。以。解。耳。順。豈。非。支。離。且。如。
其。說。又。何。以。撇。却。口。腹。目。而。專。言。耳。乎。至。解。從。心。是。以。人。心。
爲。道。心。然。毛。氏。旣。謂。天。下。無。生。安。而。遲。之。六。七。十。者。蓋。以。夫。
子。不。應。至。六。十。而。後。不。思。而。得。又。至。七。十。而。後。不。勉。而。中。也。
如。其。說。則。夫。子。必。至。七。十。而。後。能。無。事。去。欲。以。人。心。爲。道。心。
是。未。至。七。十。則。人。心。猶。未。免。有。存。也。其。說。尤。屬。可。笑。矣。至。心。
教。二。字。亦。非。儒。門。之。言。吾。故。以。毛。氏。于。言。學。問。之。事。更。屬。隔。
膜。

何事於仁必也聖乎

集注仁以理言如平上下聖以地
言則造其極之有也

又曰仁字

直聖
字橫

毛氏曰聖仁雖異名而實無異詣。往在廬陵講學。有問聖人何等。施愚山曰。聖者通也。聲入心通之謂也。湖人楊恥庵曰。如此則佛家所謂妙明覺性。非儒學也。曰。然則字書何以曰耳。呈爲聖。曰。字書何足據。賢下從貝。豈當貨取乎。然則聖字何解。曰。以字書解字。必不若以經解字之安。洪範云。思曰睿。睿作聖。聖專以心言。今此聖仁字。亦應以經解之。鄉飲酒義曰。東方者春。春之爲言蠢也。產萬物者聖也。南方者夏。夏之爲言假也。假者大也。養而大之仁也。禮所云天子之立也。嚮

仁而左聖然則仁與聖皆推心之恕以長養萬物淺深一體。祇春爲生之本而夏爲養之末。養祇遂生而春爲資生之源。長養不窮故聖進于仁。總之聖仁無兩學立達博濟無兩事。以一心及物而已矣。何理何地何橫何直何高遠卑邇于此認不清則聖道聖學到處兩橛矣。

大昌按聖仁豈得無異詣。仁生于愛隨分自盡卽小而愛一草一木亦謂之仁。卽如顏子簞瓢窮居毫無惠澤及人亦不害其爲仁。若必求能博施濟衆則仁之全量能造其極是則聖也。譬之行潦之水亦水皆能于人有用也仁也。大海之水。

亦。水。是。水。之。造。其。極。也。聖。也。故。朱。注。曰。仁。以。理。言。通。乎。上。下。
聖。以。地。言。則。造。其。極。之。名。也。毛。氏。乃。謂。聖。仁。無。異。詣。又。曰。淺。
深。一。體。然。則。夫。子。何。以。于。聖。則。曰。堯。舜。猶。病。而。于。仁。則。但。示。
子。貢。以。近。取。譬。乎。毛。氏。全。不。體。會。本。章。文。義。而。欲。妄。攻。朱。注。
耶。至。牽。涉。鄉。飲。酒。義。春。庭。萬。物。爲。聖。夏。假。爲。仁。天。子。之。立。左。
聖。嚮。仁。支。離。如。此。猶。自。謝。以。經。証。經。而。反。笑。人。認。不。清。乎。
末。節。近。取。譬。近。字。自。對。施。濟。之。必。博。與。衆。言。何。謂。無。高。遠。卑。
邇。且。仁。字。直。聖。字。橫。集。注。所。未。載。又。謂。字。書。何。足。據。然。毛。氏。
此。編。每。據。字。書。無。此。訓。以。攻。朱。注。者。十。居。四。五。矣。何。事。於。仁。

二句作一氣讀事謂從事於仁也。余有解說見問答續編。

哀公問弟子孰爲好學。

程子曰天地儲精得五行之秀

焉曰仁義禮智信形既生矣七情出焉曰喜怒哀樂懼愛惡欲乃情蕩而性擊矣故學者約其情使合于中正其心養其性而已。

毛氏曰學字如大學誠意則自能謹好惡而無遷怒之病中。

庸明善則自能爲善去不善而無貳過之失。此仍是聖學忠恕推情主善中事。乃徒以天人付受處叙說一遍于學何與。况此實仁民之說。如黃庭經五行相推大歸一十六觀經所謂四德本五行六情出五性者。此宋初儒人親得之陳希夷。

鶴林寺僧之說在先聖後賢從無此言。

附解謂恕則不遏怒有不善未嘗再行則

過不貳

大昌按此章圈外注載程子曰顏子之怒在物不在己故不
還。有。不。善。未。嘗。不。知。知。之。未。嘗。復。行。不。貳。過。也。殆。與。毛。氏。附
解。者。相。仿。矣。毛。氏。以。程。子。天。地。儲。精。一。段。實。二。氏。之。說。又。謂
是。宋。儒。得。之。陳。希。夷。鶴。林。寺。僧。者。在。先。聖。先。賢。從。無。此。言。不
知。二。氏。之。書。但。竊。先。聖。之。言。而。爲。言。耳。今。如。中。庸。首。言。天。命
之。謂。性。率。性。之。謂。道。豈。非。卽。程。子。云。其。本。也。眞。而。靜。五。性。其
焉。者。乎。大。學。曰。有。所。忿。懣。恐。懼。好。樂。憂。患。則。不。得。其。正。豈。非

卽程子云情。蕩而性。繫者乎。至云學者使情合于中正其心
表其性。皆大學中庸孟子中之義。緒也。卽毛氏所言誠意則
能謹好惡而無過。怒。明善則自能去不善而無貳。過亦不外
此義也。何獨議其出于黃庭經陳希夷等之說乎。况毛氏此
卷不知命一條。引董仲舒曰。天地之性。人爲貴。明于天性。知
自貴于物。然後知仁義禮智。非卽程子天地儲精得五行之
秀者爲人云云乎。六十耳順條。引樂記以感物爲性之欲。非
卽程子云情出而蕩者乎。乃謂先聖先賢從無此言。毋乃自
刺謬乎。

駁毛西河四書改錯卷十九

發源戴大昌

小誥大誥類下

性相近也

兩節

說已見十七卷

子夏之門人小子全章

程氏曰洒掃應對便是形而上者理無大小故也又曰聖人之

道更無精粗從洒掃應對與精義入神貫通只一理又曰凡物有本末不可分本末爲兩段事洒掃應對是共然必有所以然又曰洒掃應對上便可到聖人事

毛氏曰自朱氏改大學不識誠意是大學首功妄以格物爲始事而北宋儒說又多以涵養用敬爲入門第一義遂依回遷就強坐洒掃應對爲小學謂古人自小學於洒掃應對已

涵養純熟持守堅定。故入大學時。便能窮理盡性。作格物工夫。則不特涵養持守在洒掃時。卽純熟堅定。孩豎小子過於有始有卒之聖人。此必無之事。而且末卽是本。在子游抑末也。本之則無固不通。而始卽是卒。將子夏之或先或後教學區別。諸諄諄皆多事矣。程氏所云洒掃應對。卽是形上。卽是精義入神。卽是聖人之事。無精粗。無本末。無大小。聖學聖道。從此大亂大亂矣。

大昌按毛氏此編。屢以朱子改古本大學言之不一而足。雖朱子分大學經傳。固已見然。毛氏謂朱子不識誠意是大

學首功。妄以格物爲始事。如毛氏說則大學欲誠其意者。先致其知。致知在格物者。可刪去乎。又所云物格而後知。至知至而後意誠者。亦非然乎。

又毛氏引程子四條。譏其以末卽是本。是無精粗。無本末。無大小。聖學聖道。從此大亂。不知此章圈外注。首載程子曰。君子教人有序。先傳以小者近者。而后教以大者遠者。非先傳以近小。而後不教以遠大也。然後載此四條。朱子復加以愚按曰。程氏第一條說此章文意。最爲詳盡。後四條皆以明精粗本末。其分無殊。而理則一。非謂末卽是本。但學其末而本。

即便在此也。則朱子已有辨正。固無煩毛氏之嘵嘵也。

致知在格物

章句格至也。物猶事也。窮至事物之理。欲其極處無不到也。

毛氏曰。蒼頡篇云。格量度也。黎氏大學發微云。格物格其物。有本末之物。致知致其知所先後之知。此本經自解明白。今祇就改本說。則致知誠意正大學知行二字一大要領。從來知行不分。知者知此行者即行此。若以格物爲窮至事物之理。則未有所知在事物。而所行在誠意者。如謂事物只是知誠意。只是行。是知之與行斷港絕流也。或曰。朱氏所言物。亦即身心家國天下之物。則於補傳所云。即凡天下之物。又

說不去矣。朱氏明云十件物格到九件不妨。則心身家國據其自說亦止三綱領八條目有多少條件。而曰格十件格九件乎。

大昌按毛氏謂從來知行二字不分。以朱注謂格物爲窮至事物之理。則未有所知在事物。而所行在誠意者。不知窮至事物之理者。欲其知善惡之分別到極處。如如此則爲君子。儒如彼則爲小人。儒而誠意者。則欲其爲善去惡之心。不可有一毫虛假也。安得謂所知在事物。而所行在誠意。以爲斷港絕流乎。又朱子補傳卽凡天下之物一語。所包者廣。豈心

身家國天下反撇拋在外乎。至朱子云十件物格到九件不妨不可格一件物未到十分盡處。此不過舉似之言。毛氏乃即三綱領八條目以詰難十件九件何其執滯乎。

所謂誠其意者節

章句自欺云者知爲善以去惡而心之所發有未實也惡惡好善皆務決

去而求必得之以自快足于已不可徒苟且以徇外而爲人也。然其實與不實蓋有他人所不及知而已。獨知之者必謹之於此以審其幾焉。

毛氏曰致知與誠意雖先後相承而誠意下手實與致知不相涉。如知止是知至善。此即誠意之知。能得是得至善。此即誠意之行。故正心以後皆著先後而惟此則既無所謂誠意。

必先致知。又無所謂正心。必先誠意。其于先後二字一併抹却。若其所以先誠意而後正心者。以用功從誠意始耳。非心意有次第也。

正心無功夫。以心無正法。纔把捉。卽桎梏矣。觀本文以心不在。反言不正。則心在卽正。此與孟子存其心。求其放心同。知本圖說曰。假意發而善也。卽儒者之所謂理也。則必實其意。以使之可行。假意發而不善也。卽儒者之所謂欲也。則必實其意。以使之必不可行。

然謂好善惡惡。務決去而求必得。亦無此事。去惡務決。此固

然也。若爲善則祇意之發。安能必得。知本圖說云。事親敬長。信友。當下可行。亦可得。若事君則虛意矣。虛意求必得。將必併此意而亦失之。此時正當求所以實之之法。度時所得爲已所能爲。預備于已。如顏淵問爲邦。子張問爲政。雖終身不事君。而其所以事之之道。無不實也。此誠意也。若求必得。則未也。

乃其說自謙。又謂快足于已。不可徒徇外而爲人。則此宋學與聖學大相反者。聖學合人已通。內外忠恕一貫。忠者爲已。恕卽爲人。夫子老安少懷。孟子獨善兼善。孔孟一轍。况大學。

明德要在新民。中庸成己所以成物。幾有大學首功而反截外內分人己者。且意之所發。有何大惡。其所謂惡。不過自私自利而已。然而此念不去。浸淫漸漬。不至于爲大奸大惡。不止易云臣弑君。子弑父。非一朝一夕之故。正謂此也。則凡曰移內曰自爲不爲人。皆誠意之所謂惡者。何自慊焉。

大昌按毛氏此條。可謂鵠突之甚矣。毛氏既謂知止是知至善。此卽誠意之知。則安得謂誠意下手實與致知不相涉乎。且古本大學于正心以前。雖無分章。而首篇本有欲正其心者。先誠其意。欲誠其意者。先致其知。而下文且又申之曰知。

至而后意誠。意誠而后心正。毛氏何得謂惟此無所謂誠意。必先致知。無所謂正心必先誠意。其于先後二字一併抹却。豈非武斷乎。蓋致知是第一要緊事。如尾生之信。證父攘羊之直。王荊公之執拗。皆因不能致知之故。是以夫子謂敏事慎言。猶必就有道而正焉。豈得謂誠意下手實與致知不相涉乎。

毛氏既謂心在卽正。與孟子存其心求其放心相同。夫曰求其放心。則正心自有功夫矣。故孔子曰操則存。舍則亡。卽正心之謂也。毛氏何得謂心無正法。

毛氏知本圖說曰。假意發而善也。則儒者之所謂理也。假意發而不善也。則儒者之所謂欲也。夫周禮曰。儒以道得民。孔子曰。女爲君子儒。史記漢書有儒林傳。乃毛氏因訾朱子。併將儒者二字推而外之。若別爲僞學者。能無得罪名教乎。毛氏又謂事親敬長信友。當下可行。亦可得。若事君則虛意矣。虛意安能必得以議。朱注好善求必得之說。夫事君安所謂虛意乎。微論已仕者。夙夜寅清。恪共厥職。固當求必得之。卽下而羣莽之臣。輸將則恐後。力役則子來。戰陣則效命。莫非求必得之。毛氏知本圖說得毋教人不忠乎。

朱注不可徒徇外而爲人。第以釋自慊之意。乃毛氏因爲人二字。忽牽涉于成已成物話頭。以爲忠恕一貫。忠者爲己。恕卽爲人。若但爲己不爲人。此自私自利。卽意之所謂惡。其漸至于弑父弑君。皆因乎此。不知言各有當。此之所謂徇外爲人。固卽下文小人之所謂。拚其不善而著其善也。非成物之謂也。毛氏不分黑白。但見有不可爲人一語。卽以其爲己而自私自利爲意之。熙然則夫子所言君子求諸己。小人求諸人。古之學者爲己。今之學者爲人者。竟俱可議乎。毛氏前旣誤解今之學者爲人。而于此又言之。豈非因攷朱注而背聖言。

乎。

天命之謂性。章句。命猶令也。性卽理也。天以陰陽五行化生萬物。氣以成形。而理亦賦焉。猶命令也。於是人物之生。因各得其所賦之理。以爲健順五常之德。所謂性也。

毛氏曰。左傳。天有六氣。降而生五行。至于禽生之類。皆感五行而生矣。惟人獨稟其氣之秀者。故禮運曰。人者。天地之德。五行之秀氣也。是人物之生。皆感天氣。而人獨稟天心與天德。而受以爲質。所謂天命者。命以是矣。今乃雜理宰於形氣之後。毋論理不是性。窮事物之理。原非盡性。即使理果是性。而乃質既成。而始付以性。則生理絕矣。又且人有天德。物無天

德。犬之性非人之性。子思說此。爲人不當。卽或六氣五行。人物所共。而旣已成性。則截然分別。乃初以性爲人物之生。旣以道爲人物各循其性之自然。終以教爲因人物之所當行者。而品節之。試問牛犬率性。何便是道。且牛犬當修道耶。大昌按毛氏謂人物之生。皆感天氣。而人獨稟天心。與天德。所謂天命者。命以是矣。謂朱子章句。雜理字於形氣之後。窮事物之理。原非盡性。不知夫子說卦傳。明云。將以順性命之理。何得謂理字與性不相涉耶。毛氏又議爲質旣成而始賦以性。則生理已絕。然章句本云。氣以成形。而理亦賦焉。固不

分兩候。毛氏謂質既成而始賦以性。另添既字。始字則改頭換面矣。毛氏謂子思說此爲人不爲物。然章句亦重在人不在物。其云人物之生各得所賦之理。猶易云乾道變化各正性命是也。讀者自當心會。毛氏乃以牛犬率性何便是道。不自知其執滯不通矣。且哀公問弟子孰爲好學。章集注載程子曰。天地儲精。得五行之秀者爲人。云云。毛氏則議其此出。于二氏之說。今因此節章句。渾言人物之生。毛氏則亦自云。含生之類。皆感五行以生。惟人獨稟其氣之秀者。曾不慮其前後自相刺謬耶。

是故君子戒慎至慎其獨也

朱子曰戒慎做存養工夫慎獨只是省察又曰存養

是靜功夫省察是動功夫

毛氏曰戒慎恐懼分不得靜存動察不覩聞是微隱卽是獨。無兩時兩地。戒慎恐懼卽是慎。此際不當有兩層工夫。况大學中。庸係聖學相傳一門授受之書。豈宜下手卽牴牾如是。此非當身體驗過。未易指析。大抵大學心意與中庸性情雖有異名。而工夫只是慎獨。以心意言。則心是中。意亦是中。所謂誠于中也。以性情言。則性可言中。情不可言中。以喜怒哀樂未發是中。而發而形外。卽將達之天下也。况儒者貴在實

踐洵入門而輒曰動察烏知有察不得者張仲誠曰喜怒哀
樂一察便僞幾見察喜尚能喜察怒尚能怒者是以夫子哭
顏淵不知爲慟過舊館之喪則一哀出涕是聖人亦未動察
而以此直捷要功分作兩極豈學者入門所宜有乎

大昌按既曰不覩不聞又曰莫見莫顯原分兩層若如毛氏
謂不覩不聞卽是隱微卽是獨何以又指出莫見莫顯乎蓋
中庸末章所引詩云潛雖伏矣卽謂隱微也其云亦孔之昭
卽謂莫見莫顯也其曰君子之所不可及者其惟人之所不
見乎卽所謂獨也其曰內省不疚卽所謂動察所謂慎也此

以經証經之明確者也。毛氏何得謂無勦察工夫乎？孟子云

與賊之分利與善之

間也正勦察之義

毛氏謂此是聖門傳授之旨。非常身體驗過不能指悉。觀毛氏之意甚不容朱子自任聖門道統之傳。而毛氏此編屢以講學及當身體驗動自誇許。何不肯容人者而已。又欲攘而攬之耶。

且其謂性可言中。以喜怒哀樂未發是中。也情不可言中。以卽發則形外。卽將達之天下也。不知喜怒哀樂未發謂之中者。乃不偏不倚之中。非中外之中。則情雖發外而皆中節。何

不可謂之中和。卽中也。又舜用其中于民。則雖達之天下而亦可言中。毛氏何以謂情不可言中乎。又謂喜怒哀樂一察便僞。以此譏朱子動察之說。不知聖人從心不踰情自台度。則雖哭回而慟。亦發乎情所自然。若其於他弟子或不同矣。至學者于喜怒哀樂。正須隨事省察。方能中節。否則有所忿懣。則不得其正。有所好樂。則不得其正。不正則心不在矣。不然。何以不遷怒。獨推顏子能之乎。毛氏謂有察不得者。曾是惜身體驗過來人而爲是言乎。

誠者自成也。而道自道也。

章句誠者物之所以自成而道者人之所當自行也誠以

心言本也。道以理言。用也。

毛氏曰。道卽天道。人道之道。猶率性之爲道。中和之爲達道。是誠之見于行者。卽誠也。今乃以誠爲心爲本。以道爲理爲用。則支離破碎極矣。且又以自成屬物。自道屬人。膠轕之中。又生繆戔。中庸一書。習習極矣。試問天命之謂性。金無物字。而必合人物。此誠者物之終始。曾無人字。而必分人物。此何故也。

大昌按。章句去誠以心言。道以理言。試問天下讀書人。果有語病與否。不解毛氏何以謂爲支離也。且又謂誠者物之終

始會無人字。以議章句。分言人物之謬。不知本文云是故君子誠之爲貴。夫君子豈非謂人乎。

仁義禮智根於心

朱子曰。君子氣字清明。無物欲之累。故合下生時。這個根便着土。所以生

色形見於外。衆人則合下生時。便爲氣稟物欲。一層隔了。這個根未着土。蓋有殘忍心。便沒了仁之根。有頑鈍心。便沒了義之根。有忿狠心。便沒了禮之根。有黑暗心。便沒了智之根。今人只要去其氣稟物欲之隔。令四者之根着土而已。

毛氏曰。根心謂根之于心。此卽古所云生心之謂性者。其不曰生而曰根。以心性同生。原是一體。要之心是根。性不是根也。今直以性屬根。曰仁之根。義之根。已乖矣。然且於根外又

添出兩層。曰氣稟物欲。曰土。不知所指何物。向使土是心。則不當曰君子根着土。衆人便根不着土。謂衆人無四者。固不可。謂衆人無心。尤不可也。土是心。又不當曰殘忍之心。沒仁根。頑鈍之心。沒義根。以養根之心。而反至沒根。固不可通。且又不當曰去其沒根之隔。而使之着土。以去心之根。而復使之着心。尤不可通也。

大昌按毛氏此條。所引朱子之說。皆集注所未載。此可勿論者也。第卽朱子所說。蓋亦謂人原有生安寧利困勉三等。次言君子所性仁義禮智根于心。自屬上等。若其餘衆人。則須

去其氣稟物欲之蔽而後能復全其仁義禮智之心如中庸
言誠之者擇善而固執孟子言有四端於我者皆知擴而充
之矣固無錯也至謂根着土不着土不過曲譬之語毛氏借
此咬牙掉舌遠見執滯不通而已

操則存舍則亡一節

程子曰心豈有出入亦以操舍言耳

毛氏曰出入無時莫知其鄉直接惟心之謂句分明指心言
盡存亡卽出入也惟心是一可存可亡可出可入之物故操
舍惟命若無出入則無事操存矣乃故鄉說曰出入以操舍
言夫天下無操存而尚莫知其鄉者若曰以舍故莫知則出

入以操舍言而獨莫知其鄉四字專以舍言可乎

大昌按程子之說固謂心存則爲入亡則爲出然存亡由於操舍故曰心豈有出入亦以操舍言耳今毛氏旣解云存亡卽出入也而復訾程子出入以操舍言爲紕繆則毛氏不亦自相矛盾耶

駁毛西河四書改錯卷二十

婺源戴大昌

貶抑聖門類上

毛氏曰貶抑聖門。從夫子始。朱氏語類子論語首章卽曰禪家一棒一喝。却掀翻了也。得个快活。學而時習之。看來好支離。又曰如今不敢說時習。須看得見那物事。方許時習。其挾墨以攻儒如此。但未經大全所採。則說不勝戰。若集注貶抑節節有之。名爲補救。實所以顯正。夫子之失。弗說煩難以標列。觀者從此類推可也。大昌按朱子語類原有忌嫉朱子者。別有添造。如云蔡

檜也是有腳力的。又岳飛也是個跋扈的。皆某所竄入。
前人已有辨明者。戴東原云王陽明嘗倒亂朱子年譜謂朱陸先異後同則陽明且然况其
他乎。今如毛氏所引禪家一棒一喝學而時習之。看來好
支離。必非朱子之言。且朱子若以此語爲支離。而又曰
須看得見那物事。方許時習。何復欽重此語耶。毛氏不
察。直謂其挾墨以攻儒。誤矣。

子曰管仲相桓公二節

程子曰桓公兄子糾弟也故聖人不責其死而稱其功使桓弟

而糾兄則管仲之與桓不可同世之仇也若計其後功而與其事桓聖人此育母乃害義之甚啟萬世反覆不

忠之亂乎

毛氏曰此直面叱夫子矣。夫子許管仲之意。是重事功。乃不契于夫子之說。特變亂其事。謂桓公是兄。子糾是弟。故管仲可以相桓。召忽不可以死糾。則是兄有君臣。弟必不可有君臣。其說固已難通。然且桓實是弟。糾實是兄。則夫子此言。母乃害義之甚。啟天下萬世反覆不忠之亂。是害義者。夫子也。夫子自此不容於天地間矣。若糾兄桓弟。則三傳及史記諸書皆然。惟漢書以忌諱。改殺兄作殺弟。然韋昭適卽注明。不容錯者。附解又謂朱子借程子說。謂夫子害義。反覆啟禍亂。

大昌按此章。圈外注載程子此段說話。末復云。如唐王珪。魏

徵不死。建成之亂。而從太宗。可謂害於義矣。後雖有功。何足贖哉。蓋程子謂若使桓弟糾兄。則仲事桓爲害義。聖人稱之。則爲啟亂。其論原欠中正。是以朱子復自申說曰。愚謂管仲有功而無罪。故夫子獨稱其功。王魏先有罪。而後有功。則不以相掩可也。朱子此論最爲平允。正是不以程子之說爲然。故引其說而折衷之。俾學者毋過信程子之說耳。毛氏大聲追議程子。而乃謂朱注借程說以詬夫子。害義啟亂。豈非欲誣朱子以愚天下人乎。噫。

其爲人也孝弟章

已見十八卷孝弟也者一條

吾日三省章

謝氏曰諸子之學皆出於聖人其後愈遠而愈失其真獨曾子之學專用心於內故

傳之無弊

毛氏曰此論語開卷記曾子傳道之言。乃就其三者按之。皆爲人之學。其所云傳不習乎者。舊注謂以我之所習傳之於人。與上文爲人謀與朋友交一類。朱氏于爲人謀與朋友交。絕不一注。但云盡已之謂忠。以實之謂信。而于傳習則反舊注。曰傳謂受之于師。習謂熟之于己。其有意補救已後密矣。乃又摘忠信二字。謂忠信是傳習之本。則所云得爲學之本者。非頌曾子實自頌以離愧之矣。然且特引謝顯道語。謂學

愈失真傳之有弊。單借曾子子思孟子以詬訾其餘。亦獨何與。

大昌按曾子所謂不忠不信不習三者皆以日省吾身之事。並非爲人。若今之學者爲人乃自炫以求知于人耳。至儒者欲立欲達一視同仁。自是物我無間。尚與墨子兼愛有別。豈得以爲人二字混言之乎。毛氏每以爲人二字爲聖學真傳。而于此又舉以指曾子。謬之已甚矣。且其從舊注謂傳不習乎者。是以我之所習傳之於人。若然則曾子當云習不傳乎。不當云傳不習乎矣。

已見改注條

至毛氏每嘗朱注爲貶抑聖門。

今于此注稱曾子得爲學之本。又謂其非頌曾子實自頌以隱愧之。試問天下後世毛氏之言其得爲公論乎。

季氏使閔子騫

章

謝氏曰閔子得聖人爲之依歸彼其視季氏不義之當貴不啻大巍

肯從而思之哉。又曰在聖人則可自聖人而下由也。不得其死求爲季氏附益既無先見之知又無克亂之才故也。

毛氏曰夫子一門多事季氏卽夫子已先爲季氏史。爲季氏司職吏而概以事大巍詬之輕薄極矣。然且挽回聖人則可一語則聖人應事大巍矣。儒者不明理幾曾見閔子好石隱耻事叛亂祇以費本嚴邑又經叛臣竊據實恐難任故辭之。

頗堅。全非其不肯仕大夫之家也。况投鼠當忌器。祇借一子
鷲而陰噬聖躬。顯訪諸賢。已寒心矣。乃論語且有仲弓爲季
氏宰。夫徧行四賢。有何優劣。而曰申事犬彘。使注論語而不
知仲弓爲季宰。是爲蔑經。既知仲弓爲季宰。而故作是言。是
謂侮聖。附解又謂由求事季氏不特

夫子許之且欲倚之以行道

大昌按謝氏謂閔子視不義之富貴。不啻犬彘。此自不過推
贊閔子耳。蓋士各有志。不相強。亦不相背也。有如史魚以尸
諫。蘧伯玉從近關而行事。若相反。而夫子一以直哉稱之。一
以君子稱之。豈必以此而劣彼乎。又如由求亦官兵農禮樂。

曾點言沂水春風。志若不謀。而夫子于點與之。於三子亦與之。又豈以此而劣彼乎。今毛氏因謝上蔡不啻犬彘四字。遂以其推閔子者。卽以之劣仲弓。豈非執滯不通。且又謂其是陰唾聖躬。不亦文致之甚乎。又毛氏此卷本謂其貶抑聖門。乃于三省章之推崇曾子。與此章之推贊閔子。則又吹毛求疵。肆其簧鼓。誠何心與。又謂由求事季氏。夫子許之。且欲倚以行道。以辨臣事犬彘之非。然論語所載。子路則爲季氏惑。志於公伯寮。冉求則夫子罪其不救旅泰山。罪其附益非吾徒。又第言二子俱爲具臣。又謂不救伐顓臾。爲虎兕出匣。

龜玉毀。櫝分。朋離。拆而不能守。則謝氏所云。既無先見之知。又無克亂之才者。豈非然乎。

憲朋恥

節

集注憲之狷介其於邦無道穀之可耻固知之矣至于邦有道穀之可耻則未必知

也朱子曰邦有道不能為只小廉曲謹做得甚事又曰夫子知其學之未足有為雖無枉道之誠而未免于素餐之愧

毛氏曰四書集注補云原思學不足有為在諸書金無考據。惟論語記原思為宰係夫子所使向使思不足有為則此一耻在夫子矣。况素餐二字正與與粟九百不聽其辭相對照。思本不足餐而夫子強之餐思以素為耻而夫子必使之無

耻此是何故。且思之。狷介原屬有爲。所謂人有不爲也。而後可以有爲。與道學清班。徒食月進者不同。吾不知清班授餐者。亦曾做一事與否。

大昌按及門大概問業。所以請益也。夫子之教。凡以勉其。所不足也。今夫子於憲問耻。而首告以邦有道穀。朱子因而釋之。謂知其學未足有爲。雖無枉道之戒。而未免于素餐之愧。試問此解。邦有道穀句。有何不合。若謂思曾。辭粟不當以素餐爲言。然則夫子云。邦有道穀。亦不當以穀爲言矣。毛氏務攻朱子。而忘却本文乎。

樊遲問知章

集注此必因樊遲之失而告之

毛氏曰此汎告以知仁之道而乃曰因其失則遲之不務民義不遠鬼神不先難後獲從何處見之

大昌按樊遲之失固無可考據但毛氏概以夫子答及門之問總是汎汎告之因以訾朱注爲貶抑聖門則竊有不盡然者如子路冉有同一問聞斯行諸而夫子一則告以有父兄在一則告以聞斯行之以此類推則毛氏謂總是汎告爲不可通矣

樊遲請學稼章

楊氏曰樊雖遊聖人之門而學稼圃志則陋矣辭而闕之可也待其出而後言

其非何也。蓋於其問也。自謂農圃之不如。則拒之至矣。須不能問。不能以三隅反矣。既出而懼其終不喻也。求老農老圃而學焉。則其失愈遠矣。故復言之。

毛氏曰。樊遲亦由賜後第一人。乃一啟口。非受謾罵。卽被譏訕。究其罵之訕之者。仍坐不能解經。故既罵以志陋。又謂夫子唯恐其不能喻。真向老農老圃而就學。故使之知之。則直視遲爲下愚。木石無人理矣。漢儒原云。遲思以學稼教民。直欲以本治天下。一返后稷之教。其志甚大。惜其身淪于小民而不知也。此遲有大志而夫子抑之。小人卽農人尚書知稼穡之艱難。則知小人之依是也。遲思以身教。故夫子自

謂不如農人。且和遲爲農人。要知據此一請。有啟戰國神農
並耕西秦令墾之意。其所繫大矣。

大昌按。謂遲思以稼教民。乃朱邢氏正義之說。毛氏以爲乃
漢儒所解誤矣。邢疏第謂遲思以躬耕教民。故夫子以信禮
義示之。則民自襁負而至。何用以身教稼耳。乃毛氏謂遲此
志甚大。故夫子抑之。然夫子明云。小人哉樊須也。何曾謂其
有大志而抑之乎。毛氏既引尚書小人之依。以爲小人卽
謂農人也。乃一謂遲此請。有啟戰國神農並耕西秦令墾之
意。所繫大矣。則尤可怪也。夫毛氏議楊氏貶抑樊遲者。亦不

過謂其志陋然志陋尚從小人二字推出若毛氏所以推尊樊遲者則戰國神農金耕之許行孟子所謂非先王之道者也。又爲西秦令墾之商鞅則千古之罪人也。假使集注有如此議論毛氏不知若何置喙矣。

司馬牛問仁章

楊氏曰觀此及下章再問之語則牛之易其言可知

毛氏曰四書集注補云牛多言而躁多言非多問也聖門問仁已不可多得牛既能問而又切問焉可少之。子路問君子之問如斯而已乎。豈子路亦易言者耶。

次昌按毛氏謂多言非多問也。要知牛大概是一多言人耳。

若謂夫子告以其官也。陳總是汎答。以為仁之道。余非因牛
多言而發。則子貢問君子。夫子告以先行其言。子路問君子。
夫子告以修己以敬。何以下章牛則君子。而夫子獨告以不
憂不懼。則豈非因牛常憂向魑作亂。而勉以內省耶。觀此可
以類推矣。

宰我問三年之喪。

朱子曰。聖人不輕許人以仁。亦未嘗
絕人以不仁。今言子之不仁。乃予之

其心死

了也

申氏曰。此似難勉。節屬然。亦不應裸。罵至此。裸罵則聖門無
色矣。况宰我此問。亦有所本。聞傳親喪。以期為斷。再期則加

隆矣。故當時言禮亦多有二十五月而畢張之女。然且其說有期年可斷。天地已變。四時已易。諸語與宰我意正同。向使是女後起。則經夫子誦厲後。未有反襲宰我說以自取戾者。大昌按。毛氏謂問傳有親張以期爲斷。再期則加隆等語。以宰我此問亦有所本。朱子不應裸謁。然此章朱注載尹氏曰。短張之說。下愚且恥言之。宰我親學聖人之門。而以是爲問者。有所疑于心。而不敢強焉爾。非問外注可見朱注已爲宰我推原其情。乃毛氏曾不之及。而偏引集注所未載者。以爲裸謁其得爲公論乎。又毛氏於問傳此文既謂不是後起。何以他

處于儀禮周禮及戴記之文。每議其爲戰國時書。爲漢人雜記。又以爲不足據乎。

賜也何如

集注子貢曰孔子以君子許子賤故以已爲問而孔子告之以此

毛氏曰子謂子賤與子謂公冶長子謂南容金記原非一時之有目邢疏妄疑三个子謂章相連遂及此章因謂子貢見夫子。願說諸弟子不及于已。故問之。此雅儒可笑者。今注藝邢疏而又去長容。獨取子賤。則又何以知子賤之謂獨與子貢之間不爽片刻。總之有意吹索。不計礙理與不礙理。雖此亦無大關係。然胸懷猥陋。微涉岐忌。一似學人身價從此頓

滅何可讀其背而坐視其狼狽有如是也。

大昌按此朱注畧用邢疏之說亦無甚礙理。毛氏何至大加
呵斥。且毛氏謂何以知子賤之謂彌與子貢之間不爽片刻。
然毛氏又何以知子賤之謂與子貢之間必不同時也。況卽
謂子貢見夫子許子賤故以已爲問亦學者欲自考其所至
之意如夫子亦以女與問也。孰愈爲問固非胸懷猥陋亦非
涉忤忌而毛氏作如此首正自見其胸懷之猥陋與忤忌而
已。

子貢曰如有博施

且民曰子貢有志於仁徒事高議
不知其力孔子教以於已取之康

幾近而可入雖博
施濟衆亦由此進

毛氏曰博施濟衆不是馳騁高遠此即聖道仁道一貫忠恕
之極至處祇聖道該忠恕而由仁達聖則必從強恕求仁以
馴至乎聖此即子貢終身行恕之終事也大凡聖道貴博濟
必由于盡己性盡人性以至于位天地育萬物金非馳騁故
大學明德必至新民中庸成己必至成物孟子獨善其身必
至兼善天下而乃以子貢爲徒事高遠此可謂知道知學者
乎。

大昌按毛氏既自云由仁達聖則必從強恕求仁以馴致乎

聖則既非君子之道譬如行遠必自邇矣今子貢言仁金非
提及行恕之事而開口但曰如有博施于民而能濟眾則豈
非舍已而徒事高遠乎故夫子折之曰堯舜猶病又示之以
能近取譬而毛氏乃又謂子貢金非馳騫以吕氏譏其徒事
高遠為非則毛氏於此固亦半明半昧而已

子貢問士章

集注子貢能言故以使事告之蓋為使之

意蓋欲為皎皎之行問于人者

程子曰子貢之

毛氏曰使于四方不辱君命金無抑能言之意嘗因此推求
本文再三不得及考小注有陳氏諂注解曰不獨貴于能言

蓋以行已有耻爲本也。則又皆行已非告使事矣。且子貢無耻。亦安據也。

若程氏所云子貢將欲爲皎皎之行。故夫子告之。皆篤實自得之事。則與夫子所言正柄鑿相反。夫子明尚事功。特以使命不辱者。加于篤實自得之上。聖言具在。反覆可驗也。大昌按朱注。謂爲使之難。不獨貴于能言者。蓋重在不辱君命耳。春秋時如魯叔孫昭子之見執于晉。在漢則蘇武。唐則顏魯公。韓昌黎。宋則富鄭公。明則王禕輩。乃克當之。蓋不辱君命。亦由其平日能行已有耻也。毛氏再三求解。不得係自

不悟乎朱注何恨焉。至毛氏辨正程子之說則于夫子語氣爲得。

棘子成章

集注子成矯當時之弊固失之過子貢矯子成之弊又無本末輕重之差別失之矣

毛氏曰此貶抑聖門之尤無理者。禮凡言文質只是兩相對得之辭。金無曰質是本。文是末者。若輕重之說尤非。必講輕重則斷宜重文。何則。夫子當衰周之季。文且漸衰。郁郁從周。明見口語。麻冕純儉。形諸詠歎。若唐宋以後。則文已絕矣。無論其他。則卽禮經四十九篇。周官經五卷。其間名象服物采章會無絲毫見于世。士君子苟有志當務懷重文。竭力挽回。

之不暇。而反曰寧野。反曰子貴矣。輕重不可欺乎。

大昌按文質彬彬然後君子。則有文質不可偏勝可也。今毛氏務以朱注寬曰。若論輕重。則斷宜重文。謂士君子有忠當發憤重文。竭力挽回之不暇。若然。則夫子謂先進於禮樂野人也。如用之。則吾從先進。亦不合矣。假使朱注有此說。毛氏將又必議其茂經矣。

子貴問爲仁章

集注夫子嘗謂子貴悅不若已故以是告之

毛氏曰四書集注補云子貴悅不若已者。雖出自家語說苑。然皆不足據者。且此處金無此意。尊賢取友是爲仁取資之。

要事何必又以此波及之。

大昌按子貢悅不若已者。既出自家語說苑兩書則非朱子杜撰矣。總之毛氏微論是何省一經朱注採入則皆以爲不足據矣。且夫子特告以善事必先利器。因以事賢友仁勉之。又安得謂此處全無此意乎。毛氏總執定夫子汎告之說以攻朱注。則聖人因人施教之意不見矣。

子如不言則小子何述焉。

集注子貢正以言謂觀聖人者故疑而問之。

毛氏曰四書集注補云子貢居言詔之科誠有之矣。若云以言語觀聖人出自何書。况知言性與天道不可得聞則與以

言語觀聖人者正是相反而何以盲之

大昌按聖人以身示教故及門于其一盲一動無不體驗如
子張問與師盲之道與其明証也則謂子貢以盲語觀聖人
正是指其普學不解毛氏何反列諸貶抑聖門之條也且卽
子貢稱夫子之文章可得而聞夫子之盲性與天道不可得
而聞亦正見子貢留心于聖人之盲語處又何謂以盲語觀
聖人者正相反乎

季氏富于周公章

范氏曰冉有以政事之才施于季氏故爲不智聖子如此由其心術不明

不能反求諸身而以什爲急故也

毛氏曰此聖門敗闕既已顯者則從而盡情唾罵應所不免但聖門仕季氏有何不是夫子初作季氏小史繼作孟氏五屬臣及進爲司寇而後出賜之徒得以入仕是聖門雖不返身亦求仕不得此亦何處可急而乃以急仕責之大昌按次節朱注言聖人惡無惡而害民復云然師嚴而友親故已絕之而猶使門人正之又見其愛人之無已也是則朱注固未嘗盡情唾罵也若范氏說亦圈外注耳至毛氏又引朱子語類三條皆集注所未載第卽其所引者惟第一條有謂求却是自扶不起之語若第二條有云使求

仕季氏。能勸之黜其強僭而忠于公室。則庶乎小貞之吉矣。
曰。然則夫子曷不于其仕季氏而責之。曰。聖人以不仕無義。
而猶望之以小貞之吉也。第三條云。若季氏雖富而取于民。
有制。亦何害。此必有非所當取而取者。故夫子如此說是。亦
未嘗盡情唾罵也。前未及錄故附載之

過猶不及

集注道以中庸爲至賢知之過雖若勝于愚不肖之不及然其失中則一也

毛氏曰。子張賢知固有之。若子夏愚不肖。則夫子口中定無
有此。按中庸過不及以道。好官道教屬君子。而過與不及。則
屬之鮮能之民。如云夫婦之愚不肖者。若此過不及。專以氣

質言謂氣質不齊。有此二等。然無可優劣。有時過勝不及。有時不及亦勝過。故曰猶猶者等也。此當引洪範三德証此。猶字正直是首德。高明剛克沉潛柔克。卽過不及也。三德金列有何勝負。夫子祇告以不偏勝。原未嘗以兩皆失中爲言。

大昌按朱注賢知愚不肖云者。因中庸道之不行。節本有此數語。故引之以釋此句耳。非以愚不肖定指子夏也。毛氏謂中庸之過不及以道教言。其不及蓋指夫婦之愚不肖。若此句過不及專指氣質不齊。不知夫婦之愚不肖亦卽氣質也。有何可分乎。又謂當引洪範三德証此。猶字以高明沉潛卽

過不及亦自可通然實按之洪範窮高明沉潛不若中庸之明言過不及也又謂洪範三德有何勝負夫洪範明曰沈潛剛克高明柔克豈得與平康正直者不分勝負乎然則過與不及者亦將與中庸者不分勝負乎又謂夫子答語原未嘗以兩皆失中爲言不知言惟上知與下愚不移則自知有中之性矣言過猶不及則自知其皆失中矣洪範本言沈潛剛克高明柔克今毛氏高明剛克沉潛柔克或係筆誤又毛氏此條仍有引檀弓文附見廿一卷堂堂乎張也一條按語

焉知賢才而舉之

集注仲弓慮無以盡知一時之賢才故孔子告之以此程子曰便見仲弓

與聖人用心之大小推此義則一心可以與邦一心可以喪邦只在公私之間耳

毛氏曰此貶抑聖門之大無理者。夫子云舉賢才。此重在舉者。而仲弓謂不知何舉。蓋稍疑乎子言之不及知也。而夫子則仍重在舉。故曰爾豈無一知者。苟能舉。則無不知矣。何公何私。何大何小。而程氏吹索必求其弊。然其說難通。朱注將本文知字上加一盡字。然後釋說可入。于是直接程說以責之以爲知必盡。已出。則私心衆。夫人有良心。仲弓德行之列。夫子稱其可南面。乃直誅其心。謂可喪邦。則竟從無可詬訾處。憑空造捏。使其無所容于天地間。而後曰人有良心。何可作是言。

大昌按此節孔注云女所不知者人將自舉之則賢才無遺
邢疏因謂仲弓言賢才難可徧知則朱注謂仲弓慮無以盡
知一時之賢才者蓋本注疏之說毛氏乃謂程子有意吹索
故朱子將本文知字上加一盡字然後程說可入豈非真有
意吹索朱子乎且毛氏自解亦曰爾豈無一知者苟能舉則
無不知矣此亦明示仲弓不必慮無以盡知之意則毛氏不
亦自相矛盾耶

至程子謂一言可興邦喪邦只在公私之間原係推此義則
自指後世權奸一流人說不復貼仲弓矣毛氏卽或議其不

應因仲弓此言充義至盡甚失立言之體亦未嘗不持論平允乃竟卽盡情唾罵謂其直誅仲弓之心可以喪邦憑空捏造喪其良心必使程朱無所容于天地間而後已想世有識者亦必有能辨之者矣

非才之罪也

集注才猶才質人之能也

程子曰才稟

朱子曰程子說才字與孟子小異孟子專指其發于性者言之故以才無不善程子專指其稟于氣質者言之則有善有不善然以事理考之程子爲密蓋氣質所稟雖有不善而不害性之本善性雖本善而不可無省察矯揉之功學者所當深玩也

毛氏曰此又貶抑孟子矣從來言性情無言才者孟子始創

出才字于情字之後。指情之所用爲言。故于此以非才之罪。與情可謂善。一反一正。而下文牛山章。則直以未嘗有才。與豈人之情。合才情而爲一字。則才本屬情。不屬性者。今乃誣坐孟子言才。發于性。已非是矣。且又朱曰才質。程又曰氣質。則仍是氣質之性。不惟非才。亦併非情。可怪之甚。然旣作異說。或姑兩存。乃復厚貶孟子。謂孟子言疎。程子言密。及究其所言密。謂以氣質言才。則雖有不善。而不害本性。若專言才善。則性雖本善而已。無省察矯揉之功。夫所云求則得。舍則失。正用功也。孟子惟恐人不省不察。而特警之曰弗思。惟恐

人不用功不能擴充故又申之曰或相倍蓰不盡其才乃大文明以才字屬用情之功而又謂之踈謂不如程子則雖欲解之爲非貶抑得乎

大昌按此章集注載程子說有云才稟于氣氣有清濁稟其清者爲賢稟其濁者爲愚學而知之則氣無清濁皆可至于善而復性之本湯武身之是也朱子因有愚按孟子專指其發于性者言之以爲才無不善程子專指其稟于氣者言之則人之才固有昏明強弱之不同矣二說雖殊各有所當然以事理考之程子爲密蓋朱子所謂君子言密者不過以孟

駁四書改錯

卷二十

十八

子弟言非才之罪。不能盡其才。未言才有高下之殊耳。程子則謂才稟于氣之清濁。是才自有昏明強弱之不同。如中庸言人果能百倍其功。則雖愚必明。雖柔必強。是也。故朱子謂不可無省察矯揉之功。正是發明孟子求則得合。則失之旨也。乃毛氏則深沒程子一段說。謂但舉才稟於氣一語。因以朱子所言反覆辨論。坐以貶抑孟子。噫嘻。亦可謂狡獪之甚矣。

駁毛西河四書改錯卷二十一

婺源戴大昌

貶抑聖門類下

子路曾皙冉有公西華章

程子曰子路等所見者小子只爲不達爲國以禮道理是

以陋之若達便是這氣象也問求赤謙遜可謂達禮何以無曾皙氣象朱子曰二子只是曉禮之皮膚曉不得禮之微妙處若曉得便須見得天高地下合同而化道理矣曾點却見得這個氣象只是見得便休所以不把

事

毛氏曰夫子原講用世。故曰知爾何以以者用也。曾氏以狂士偶見異耳。有何氣象。冲冲漠漠。作二氏行徑。而曰子路惟不達爲國以禮的道理。所以無此氣象。乃二子謙退。又曰祇

見得禮皮膚終不得天高地下。合同而化道理。則必如華山道士之神遊合漠。始有個微妙氣象矣。且夫子當時祇一禮字。不知何處有皮膚微妙二義。比較氣象。此皆大全所載。若他書則希夷壽涯一齊都來。何止于此。

大昌按程子謂子路不達爲國以禮的道理。自是本文所有。若毛氏所引朱子之說。則集注所未載者。今按其注所載。程子有云。曾點狂者也。未必能爲聖人之事。而能知夫子之志。故曰浴乎沂。風乎舞雩。詠而歸。言樂得其所也。孔子之志在干老者安之。朋友信之。少者懷之。使萬物莫不達其性。曾點

知之故孔子喟然歎曰吾與點也。是朱子所載程子之說。乃言會點能知老安少懷之志。而毛氏曾不之及。妄罪以作二氏行逕。又曰必如華山道士之神遊合漠。可謂風馬牛不相及。雖獄吏亦無此文致矣。

子路使門人爲臣

楊氏曰非邪。聖而誠意則用智自私。不知行其所無事。往往自陷于行詐。

欺天而冀之知也。其于路之謂乎。

毛氏曰。夫子從政。諸子皆爲屬大夫。其時統繫具在也。夫子去官。非見擯者。則漢儒所云君臣禮葬亦無不可。第此時無有如近代在籍官喪葬之例。非見任者。故夫子不許要之子。

路原非矯詐欺蔽有害夫理而注以不能致知誠意重術子
路豈聖門定不肖耶。

大昌按朱注云其意實尊聖人而未知所以尊也固未重誦
子路即楊氏謂非知至而意誠亦祇是推原子路無臣而為
有臣之失若行詐欺天四字則本文所有非楊氏所加也豈
夫子責以行詐欺天不為重誦而楊氏謂其非知至意誠則
為重誦耶使門人為臣解見余四書問答毛氏亦未明

子行三軍則誰與謝氏曰至以行三軍為問則其志亦卑矣

毛氏曰行三軍非細事自神農伐補遂黃帝伐蚩尤皆帝王

所不免。故易子帥卦曰。開國承家。又曰。可以王矣。未嘗卑也。况臨事而懼。正夫子慎戰之意。是夫子明白告說。並不貶抑。讀其書者。反鄙夷之可乎。

大昌按此章集注載謝氏曰。聖人于行藏之間。無意無必。若有欲心。則不用而求行。舍之而不藏矣。子路雖非有欲心者。然未能無固必也。至以行三軍爲問。則其論益卑矣。是謝氏之說。蓋謂子路但舉用行爲問。已非夫子所以與顏淵之意。况又專指行軍一事乎。且謝氏又有云。失不謀無成。不懼必敗。小事尚然而况于行三軍乎。則謝氏亦非以行軍爲細事。

而鄙夷之也。今毛氏截去謝氏說首尾，特將中間其論益卑，語以爲訾議。附解并議宋人不知有人理是誠何心哉。

今之成人者何必然。胡氏曰：今之成人者，以下乃子路之官，蓋不復聞斯行之之勇而有終身誦之之固矣。

毛氏曰：此聖賢尚事功重材幹。此一段曰：今之成人者，與子貢問士章之特抑言行信果者爲硜硜小人。子路問仁章之特抑致身殉死者爲匹夫匹婦一例。蓋賢聖最忌是自了漢，明德不新民成已不成物，獨善不兼善，非聖道卽非聖學。此節胡氏以爲此成人者以下爲子路所言，在前儒金無此

說引此已自無理。然且借子路以暗侵夫子。謂不復有聞斯行之之勇。而有終身誦之之固。向使此言果出子路。亦屬疑議。不宜輕口訾訾。况明是子言。則直訴夫子矣。苟稍知聖道聖學。稍有忌憚。必不至此。

大昌按朱注自解本。以此節爲夫子之言。但以見利思義。見危授命。久要不忘。謂其亦可爲成人。不過是對上節文之以禮樂者稍遜耳。而毛氏謂與子貢問士章之貶言行信果者爲經。經小人子路問仁章之貶致身殉死者爲匹夫之諒。一例鄙夷。則誤甚矣。且此與明德不新民成已不成物獨善不

兼善有何交涉

至引胡氏以次節爲子路所言亦以另有曰字耳而朱注亦云未詳是否且旣以爲子路之言則與夫子無關何謂借以暗侵夫子乎蓋聞斯行之與終身誦之皆子路之事何以謂直師夫子乎是爲文致之無理矣

請益無倦

吳氏曰勇者喜于有爲而不能持久故以此告之

吳氏曰四書集注補云喜于有爲故先勞不能持久故無倦無倦是救病則先勞添症候矣先添症而後救之無此救法况救病則何待請益萬一不請則此病何時救之

大昌按夫子教以無倦者欲其勿倦于先勞耳何謂先勞爲先添症候乎若子路不請益則是自知勤于先勞則不須告以無倦矣乃謂先添症而後救之無此救法集注補所云極其無理毛氏引之適見其無識矣

衛君待子而爲政章

說見十一卷夫子爲衛君乎十六卷必也正名乎

子曰聽訟章

楊氏曰子路片言可以折獄而不知以禮遜爲國而未能使民無訟者也故又記孔

子之言

毛氏曰四書集注補云此有意苛求矣片言宿諾故連類記及此節何與乎况子路生平夫子稱曰可使從政又曰可使

治賦故四科在政事之列。若其治蒲。如曰恭敬以信。故其民盡力。忠信而寬。故其民不偷。明察以斷。故其民不擾。此于無訟何減。乃以一時率爾之對。稍失遲讓。遂定其終身耶。大昌按子路治蒲。如所引恭敬以信。忠信以寬。明察以斷。要仍是片言拊獄能事耳。若使民無訟。則唐虞四方風動之上。理故大學亦以此爲新民止至善之驗。豈易能之。毛氏乃謂子路之治。于無訟何減。然則夫子何不直以無訟許子路。而僅曰片言可以折獄。又曰聽訟吾猶人也。必也使無訟。且自謙遜其肯以許子路耶。

子路問事君章

范氏曰犯非子路之所難也而以勿欺為難故夫子教以先勿欺而後犯也

毛氏曰子路生平以不欺見稱故小邾射以句繹來奔魯尚欲要路一言以為信豈有事君反出于欺者此不過正告以事君之道而注者必曰對病發藥聖門無完行矣且勿欺而犯之有何先後而以先後指定之

大昌按范氏謂教以先勿欺而後犯亦是如毛氏說正告以事君之道耳非必謂子路有欺也而毛氏乃以為對病發藥聖門無完行議之然則非議集注是直議聖言為不然矣

堂堂乎張也二句

釋子曰子張既除張而見子之琴和之而和彈之而成聲推此則子張過

于薄故難

金爲仁

毛氏曰此較大文又深一層又增一罪案母論檀弓不足据即可据然亦以子夏子張金記以一過一不及未嘗曰薄也題之曰薄則不止未仁矣

大昌按此章國外注載范氏曰子張外有餘而內不足故門人皆不與其爲仁以剛毅木訥近仁寧外不足而內有餘也若毛氏所引程氏說則集注所未載者且程亦係引檀弓原文何謂又增一罪案乎毛氏子二十卷過猶不及一條自引檀弓此文以子張彈琴成聲子夏彈琴不成聲謂子夏之不

及較勝于子張之過。

前二十卷叙毛氏說未及錄。

何毛氏于此條又以檀

弓爲不足据乎。

子張問士章

子張之學病在乎不務實。子張祇去聞

而行違居之不疑。祇是粗瞞將去。

毛氏曰此章免不得救病二字。然亦不必認真說。

大昌按子張之學病在乎不務實。係圈外注。所載尹氏說其餘所引二條則集注未載者。

子張問明章

集注此亦必因子張之失而告之。輔氏

自足之病而無深潛慎密之功。平日不過觀其皮毛。意象以爲有得于人情之細密事理之精微。則未能察也。

故夫子因其問明而始舉二事以告之使其反諸身而知有所戒矣

毛氏曰此顓孫氏罪案不知從何處得來無司寇兩劑無識獄者前後券契無憑無據驟得此長篇爰書以莫須有三字衍之得八十四字魂褫而魄奪聖門冤獄從此無平反日矣大昌按毛氏所引輔氏說則集注未載者卽以輔氏所言亦不過謂子張于事必有忽畧自足之病而無潛深愼審之功等語平心觀之亦于子張未爲不當安所謂莫須有爰書安所謂聖門冤獄殆毛氏欲借此以罪案爰書加之輔氏耳

子張問政

程子曰子張少仁無誠心愛民必倦而不盡心故告之以此

毛氏曰四書集注補云。聖人答問。必答其所問之事。所問之義。未嘗答其人也。如必因病發藥。則告顏淵鄭聲。淫佞人殆。淵必喜淫好佞矣。乃只此無倦一答。程氏譏其無誠心。楊氏謂其難能。故難繼。范氏謂其外有餘而內不足。朱氏又謂其下稍無殺令。龐涓至樹下。萬弩齊發。爲之駭然。

大昌按毛氏所引數條。惟程子說係圈外注。其餘皆集注。未載也。而毛氏謂聖人答問。非答其人以告顏子鄭聲。佞人非謂其善淫好佞。不知夫子之告顏淵各項。乃爲萬世立法。爲萬世垂戒。猶子張問政。夫子告以尊五美。復兼以屏四惡也。

若必謂夫子弗答其所問之事。未嘗答其人。則子張與子夏
同一問政也。何以子子張則告之無倦。以忠于子夏則告以
無欲速。無見小利。問同而答不同也。且夫子嘗謂師也。過師
也。辟子游。曾子亦謂其未仁。而夫子又以寡尤寡悔示以不
必干祿。正所謂因子張之失而告之也。卽如毛氏所引程楊
諸說。其論子張亦未有過分語。何謂萬弩齊發。

子夏之門人章

集注子夏之言迫狹子張譏之但其所言亦有過高之弊大賢雖無所不容然

以拒人然損友亦所當遠

毛氏曰記者之意本偏存子張之說以垂訓者夏是客張是

主今概舉而非之。既失主客意矣。且兩賢所言俱各有本子。夏所本卽夫子毋友不如己語。特所異在拒字耳。若子張則正以所聞闢拒字者。此有何弊。而又以高遠貶之。張南士嘗曰。嘉善而矜。不能係夫子語。則尊賢而容衆。未必非夫子之言。何則。所聞二字可驗也。若然。則過高之弊。不旣侮聖言乎。大昌按。毛氏謂兩賢所言俱各有本。固是矣。然此章本記子夏門人問交于子張。今子張述所聞尊賢而容衆嘉善而矜。不能乃君子育才之方。接物之度。未可以爲交友之法。如嘉不能爲柔。而毛氏務攻朱注。坐以侮聖言。不知其自未達乎達人之經。

聖。育。之。旨。抑。且。忘。乎。此。章。問。交。之。旨。也。包氏曰交友當如子夏泛交當如子張則

此章古注並非以夏是客張是主也

喪致乎哀而止

集注而止二字亦微有過于高遠而簡畧細微之弊學者詳之

有簡忽禮文之意要之喪固貴哀而禮之節文亦不可廢直情通行戎狄之道也

輔氏曰子游

毛氏曰孔安國注此言毀不滅性謂治喪者盡哀即止過此

則滅性矣今乃以而止解作而已是改說以詭聖賢聖賢不

受也然且附會之徒比之夷狄夫即直情去文如棘子成亦

且頌之曰夫子之說君子也奈何以戎狄詬之

大昌按朱注解而止二字為不尚文飾固不如古注之自然

然集注載楊氏曰。喪與其易也。寧戚。不若禮不足而哀有餘之意。非圖外注亦仍先褒美子游之說。而後謂其微有簡畧之弊耳。乃毛氏于楊氏說。曾不之及。而獨引集注未載之輔氏說。以爲疵議。亦集注不受也。况輔氏云直情徑行。戎狄之道。乃推論之詞。豈遂實詬子游乎。

子游問孝

子夏問孝

程子曰子游能養而或失于敬子夏能直義而或少溫潤之色

毛氏曰子亦概言孝道耳。如必告以所不足。則顏淵克復之告。既多欲而又違禮。難乎爲顏子矣。且子夏能直義。不知出自何書。若色不潤溫。則其事頗秘。于載而下。又何從知之。

大昌按毛氏總以夫子所答亦概言孝道非告以所不足則
孟懿子孟武伯父子也夫子何不卽以告懿子者告武伯又
何不以父母唯其疾之憂告懿子乎觀此可以類推矣且程
氏謂或少溫潤之色亦虛擬之詞毛氏必謂千載下何從知
之則如夫子謂伯夷不念舊惡亦出自何書孟子謂伯夷思
與鄉人立其冠不正若將浼焉亦將謂何從知之乎

賢賢易色節

吳氏曰子夏之言其意善矣然詞氣之間抑揚太過其流弊將或至于廢學其言

傾側而不平正險絕而不和易狹隘而不廣大

毛氏曰子夏此節詞氣抑揚與有子孝弟章正同有子重孝

弟子夏重力行。未嘗廢學也。但云未學而卽虞其有廢學之
流弊。此何說與。子夏在文學之科。爲七十二賢。身通六藝
之首。而詬厲廢學。至于如此。傾側三語。實不願聞。

大昌按此章朱注。謂四者皆人倫之大者。而行之必盡其誠。
學求如是而已。圈外注載游氏曰。子夏以文學名。而其言如
此。則古人之所謂學者可知矣。又載吳氏之說。謂其詞氣抑
揚太過。其流弊將或至于廢學。必著上章夫子之言。然後爲
無弊也。是朱注與游氏說皆尊重子夏之論。毛氏曾不之及。
獨舉吳氏廢學二字。反覆譏議。然吳氏亦第謂其流弊或恐

如此非直謂子夏也。况傳三語則集注所無何謂實不願聞。

子謂子夏曰。吾知君子之備。

謝氏曰。君子小人之分。義與利之間而已。然所謂利者。豈

必殖貨財。以私滅公道。已自便。凡可以害天理者。皆利也。子夏文學。雖有餘。然意其達者大者。或昧焉。故夫子語之。以此。

吾民曰。孔安國注。君子儒將以明道。小人儒則矜其名。原不著誤。今引謝顯道說。謂君子喻義。小人喻利。凡以私滅公道。目目便有害天理者。皆是利。則直是小人。非小人儒矣。曾夫子排子夏而或出于此。會賢如子夏而可以害天理三字橫。

加之乎。

大昌按謝氏謂君子喻義。小人喻利。凡以私滅公。適已自便。可以害天理者。皆利也。子夏文學。雖有餘然。意其違者。大者或昧焉。則謝氏語原有分寸。其所謂以私滅公。凡害天理者。第推解利字。金非直指子夏亦明矣。若謂不當推解利字。則小人喻于利。本夫子語。若謂曾夫子語子夏而或出于此。則本文明以毋爲小人。儒訓子夏也。至毛氏謂謝氏以私滅公。數語則直是小人。非小人儒矣。則尤可笑。夫第曰小人。則尚非內小人而外君子也。若曰小人儒。則是謙恭盜國之王。

莽也是竊位竇國之孔光張禹也。毛氏尚謂其高于小人乎。

又毛氏猶有引朱子及

輔氏語皆集注未載

子夏爲菑父宰章

程子曰子張常過高而未仁子夏之病常在近小利故各以切已之事告

之

毛氏曰子夏近小利金無實據。程氏以小人腹誣妄此語。及注女爲君子儒章則實以子夏好利爲小人儒成案。程氏謂曰而聖人一門無生活路矣。

大旨按女爲君子儒章集注之說前條已辨明矣。若毛氏公然謂程子以小人之腹誣妄此語則毛氏此編以小人之腹

誣妄程朱者曷可枚舉乎

大德不踰閑節

集注言人能先立乎其大者則小節雖或未盡合理亦無害也

吳氏曰此章

之言不能無弊學者詳之

毛氏曰德者事行之別名。閑是分限。何處好着理字。且出入非不合理也。此如行大禮者。既不踰分。則儀貌小節。或稍過而出。或稍不足而入。總不失大禮也。行大法者。既不踰度。則規模細事。或出而過張。或退入而近于弛。亦不碍大法也。此以不合理責之。固爲不倫。且以子夏近小之病。進幾遠大。亦有何弊。而動輒苛刻。亦思不矜細行。終累大德。子夏豈不知

是古語而言各有爲必雷同附和以求無弊恐大不然

大昌按有德于已之謂德事物當然之謂理毛氏因朱注未盡合理輒以理字爲詬病無論理字見于繫詞說卦中庸孟子樂記諸書固先聖先賢所重言且如本文旣言德又言閑閑猶防也理猶則也說文云理治玉也是謂劈理分肌如切如磋如琢如磨也則理字有何可詬病且如毛氏云行大禮者不踰分行大法者不踰度毛氏謂不當言理字則又何以當言分字度字乎至毛氏謂子夏言各有爲亦想當然耳若吳氏但論其常則不矜細行終累大德故以爲不能無弊

其餘則日月至焉而已矣

集注或曰一至焉或月一至焉

毛氏曰此則視聖門弟子無人理矣。天下除却木偶陳死人外。卽盜賊亦豈有一月不起一良心者。以此概聖門。且以之繼三月不違之後可乎。三字在月字上。則繼三月者當是一月至一日至不當云日一至月一至也。一字顛倒相去萬里。請善學者思之。

大昌按毛氏說有不然者。蓋朱注謂日一至焉。月一至焉。則是每日月皆有至仁之時。若如毛氏謂一日至則便有一日不至仁之時矣。謂一月至則便有一月不至仁之時矣。何以

反謂一字顛倒相去萬里乎。總之三月不違。與日月至焉。皆不過舉似之言。毛氏此編務攻朱注失之執滯不通者。未可僕指矣。

吾黨之小子狂簡

集注不得中行之士而思其次猶或可以進之于道但恐其過中失正而

或陷于
異端耳

毛氏曰斐然成章。不知所裁。是公然具一材品。未曉斷割。如梓材之未斲。美錦之未製。則未有稱其成章。而猶慮其陷異端者。異端可斥絕。而必不可裁成。今忽據此語。則貶抑聖門之尤甚也。

四書集注補曰。夫子所裁。不過如求之退。山之兼人師也。過而不及之類。何處着異端二字。

聖學防微曰。朱晦庵語陸子靜學佛。而子靜答晦庵書。亦語其學禪不能辨也。

程氏云。游酢楊時先會學禪。不知向裏沒安泊處。呂微仲之學入于禪談。邢和叔晚遊乎佛。伊川自涪歸曰。學者皆流于異端矣。朱氏云。謝上蔡用導引吐納之術。而其說仁說覺。分明是禪。呂晦叔晚益究禪理。游氏分明是技番了。朱儒自供類如此。聖門則金無自言陷異端者。

大昌按聖人不得中行而思狂狷。狂者如琴張會稽牧皮之
流。卽子張之過高亦此類。蓋自古索隱行怪大都皆高明材
品不得聖人爲依歸耳。若狷者有所不爲非得聖人裁成亦
將高言清淨否則如荷蕢沮溺耳。故朱注曰猶或可以進于
道。但恐其過中失正而或陷于異端。故欲歸而裁之也。有何
可議乎。毛氏又謂異端當斥絕而必不可以裁成。然孟子于
告子夷之何嘗不諄諄誘掖乎。

又程子謂游楊呂邠之徒流入乎佛。朱子亦謂謝呂游之學。
分明是禪。正是慨惜而欲救正之。豈得反以禪佛訾程朱乎。

自王陽明復樹陸象山之幟以詆朱子勢固洶洶。國朝顧
氏亭林既辭而闢之矣。至如惠半農父子閤百詩江慎修錢
辛楣諸前輩著作亦不過于朱子所解經義時有辨正非詆
朱子爲異學也。卽以戴氏東原尊崇漢學最爲通儒而其答
彭進士允初書有云。陸王主老釋者也。程朱關老釋者也。今
足下主老釋陸王而令孔孟程朱與之爲一。無論孔孟不可
誣。程朱亦不可誣。又云。足下所主者老莊佛陸王之道。而所
稱者盡六經孔孟程朱之言。而至于借助則引程朱爲同乎。
已然則所取者殆程朱初惑于釋氏時之言也。倘能如程朱

之。用。心。期。于。求。是。則。今。日。同。乎。程。朱。之。初。異。日。所。見。或。知。程。朱。之。指。歸。與。老。釋。陸。王。異。此。書。辨。論。最。為。詳。悉。見文乃。毛。氏。

此。編。屢。以。程。朱。為。宗。華。山。道。士。之。教。旨。之。不。一。而。足。今。此。條。

引。陸。子。靜。答。書。前。晦。庵。學。禪。又。曾。引。王。陽。明。語。朱。子。見廿卷

祖公附錄又。謂。今。世。么。小。并。毀。王。陽。明。大。儒。為。異。學。而。不。自。

反。正。道。學。是。非。一。大。關。鍵。也。見廿一卷附錄觀。此。則。知。毛。氏。方。欲。揚。

陸。王。之。波。尚。自。侈。言。聖。道。聖。學。津。津。不。置。多。見。其。不。知。量。矣。

可以取節 已見十卷

大昌總按毛氏此編其每卷中議論可採者不過什之一或

什之二耳其餘所詆朱注皆刻意吹索欲加之罪而末二卷
坐以貶抑聖門架此大題尤爲動人但毛氏于樊遲問知仁
則謂汎告以知仁之道游夏問孝則謂子亦概言孝道子張
問政則謂聖人第答其所問之事未嘗答其人也以朱注每
云因其人之失而救之是爲有意貶抑然公西華以答由求
問行爲請夫子則明告曰求也退故進之由也兼人故退之
則毛氏之說是爲不可通矣况毛氏以貶抑聖門議朱注且
卽以此編言之如朱注以舜之順乎親爲諭之于道毛氏謂
諭道豈易順親必諭道天下寧尚有孝子則毛氏豈非有意

貶抑大舜乎。儀禮本周公手定。子夏作傳。毛氏乃謂周制父
母本無三年之喪。因以儀禮爲戰國時人書。則豈非有意貶
抑周公乎。又謂夫子仕魯時。魯與齊衛同謀叛晉。與趙鞅爲
難。此夫子已事。佛解謂衛轍本不挹父。謂魯祭文王廟用八
佾。故公廟一櫺。僭用。苟正禮樂。將必追魯先君宗伯輩而誅
之。季氏不受誅也。昭公逐季氏。身反出亡。當時列國皆謂季
氏不宜伐。則季氏不同于齊晉篡竊者。必有在矣。謂季文子
忠而賢。三思自是善行。謂從來愚字皆指浮沈取容。假借賢
昧一輩人。寔武子之愚。或別有事迹如此。諸如此類。顯悖聖

言不可枚舉則豈非有意貶抑孔子乎謂孟子所言契爲司徒教以人倫以孟子爲戰國人所傳倫類異名推記契教則豈非有意貶抑孟子乎且尤議朱注不當管子張務外好高樊遲粗鄙近利謂二子皆聖門大賢乃毛氏子巧言令色節附解則云堂堂乎卽令色難與金爲仁卽鮮矣仁是其貶抑子張甚于朱注矣于樊遲學稼章謂遲此一請有啟戰國神農金耕西秦令墾之意是其貶抑樊遲甚于朱注矣未有附錄一卷不過曲護前說何用嘵嘵爲哉

跋

聖人之經如律賢人之註如例曲學異說如舞文之吏
能亂例不能亂律然非揭其罪著之丹書則其心不服嗚呼此音
友戴子斗源駁四書改錯之所為作也毛氏奇齡以絕人之姿窮
究經子其著四書改錯一意攻朱攻朱而捃摭其所窮之經所究
之子之所有以示其有餘猶可說也攻朱而改竄造作其所窮之
經所究之子之所無以濟其不足不可說也嗚呼是何心術哉
國朝顧亭林閻潛丘李穆堂全謝山各有四書論說於朱子亦多
所掇正然其意但欲為朱子之功臣也其心術可知也戴子著有

四書問答二十四卷極精博絕不嫌姍朱子然其意但不欲為朱子之佞臣也其心術亦可知也毛氏是何心術哉毛氏於朱子未入室已操戈矣殆不遺餘力焉於朱子無毫末損也然其害或中於天下萬世讀四書者之心即萬不至是而子然老屋抱遺經者固不得不為之長慮而深恐也嗚呼此戴子之書所為不得不作也戴子之書學使白小山先生序之其同年友白尚質見之于其暑中讀之旬有五日卒業而破跋之